

ՔԱՂՎԱԾՔ

«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2023 թվականի ապրիլի 18-ի, ժամը 14:00-ի նիստի
N 6 արձանագրությունից

ԼՍԵՑԻՆ.-

Հայաստանի պետական տնտեսագիտական համալսարանի ինֆորմատիկայի և վիճակագրության ֆակուլտետի դեկանի թափուր պաշտոնի համար հայտարարված մրցույթին մասնակցելու նպատակով («Հայաստանի Հանրապետություն» օրաթերթ, 22.02.2023, N 33 (7924)) ինֆորմատիկայի և վիճակագրության ֆակուլտետի դեկանի ժամանակավոր պաշտոնակատար, տնտեսագիտության թեկնածու, դոցենտ Աղավնի Գրիգորի Հակոբյանի ռեկտորին ուղղված դիմումի մասին հարցը:

Չեկուցողներ՝ ռեկտոր, տնտեսագիտության դոկտոր, պրոֆեսոր Դ.Ռ.Գալոյան և գիտական խորհրդին կից մրցույթային հանձնաժողովի նախագահ, հասարակագիտության ամբիոնի պրոֆեսոր, փիլիսոփայական գիտությունների դոկտոր, «ՀՊՏՀ ամբիոնի պատվավոր վարիչ» Ա.Հ.Սարգսյան:

Չեկուցողները նշեցին. «Հայաստանի Հանրապետություն» օրաթերթի 2023 թվականի փետրվարի 22-ի N 33 (7924) համարում հայտարարվել է մրցույթ Հայաստանի պետական տնտեսագիտական համալսարանի ինֆորմատիկայի և վիճակագրության ֆակուլտետի դեկանի թափուր պաշտոնի համար, որին կարող են մասնակցել տնտեսագիտության դոկտորի կամ թեկնածուի գիտական աստիճան, պրոֆեսորի կամ դոցենտի գիտական կոչում ունեցող անձինք, որոնք ունեն առնվազն 10 տարվա բուհական գիտամանկավարժական աշխատանքի ստաժ: Ինֆորմատիկայի և վիճակագրության ֆակուլտետի դեկանի թափուր պաշտոնի համար հայտարարված մրցույթին մասնակցելու նպատակով 2023 թվականի մարտի 10-ին ռեկտորին դիմում է ներկայացրել ինֆորմատիկայի և վիճակագրության ֆակուլտետի դեկանի ժամանակավոր պաշտոնակատար, տնտեսագիտության թեկնածու, դոցենտ Աղավնի Գրիգորի Հակոբյանը: Ֆակուլտետի դեկանի թափուր պաշտոնի հավակնորդը Հայաստանի Հանրապետության օրենսդրությամբ, «Հայաստանի պետական տնտեսագիտական համալսարան» պետական ոչ առևտրային կազմակերպության կանոնադրությամբ և «Հայաստանի պետական տնտեսագիտական համալսարանի դեկանի ընտրության ընթացակարգով»

սահմանված պահանջներին համապատասխան ներկայացրել է անհրաժեշտ փաստաթղթերը:

Պրոֆեսոր Ա.Հ.Սարգսյանը նշեց. Ա.Գ.Հակոբյանը ծնվել է 1979 թվականի հունիսի 1-ին Երևանում: 1996 թվականին ոսկե մեդալով ավարտել է Կապանի թիվ 3 միջնակարգ դպրոցը: 1996 թվականին ընդունվել է «Գլաժոր» կառավարման համալսարան, որը գերազանցության դիպլոմով ավարտել է 2001 թվականին՝ ստանալով տնտեսագետ-ֆինանսիստի որակավորում: 2002 թվականին ընդունվել է ՀՀ ԳԱԱ Մ.Քոթանյանի անվան տնտեսագիտության ինստիտուտի ասպիրանտուրա:

2006 թվականին Ա.Գ.Հակոբյանը պաշտպանել է թեկնածուականատենախոսություն և ՀՀ ԲՈՀ-ի (ներկայում՝ ՀՀ ԲՈԿ) կողմից նրան շնորհվել է տնտեսագիտության թեկնածուի գիտական աստիճան: 2009 թվականին ՀՀ ԲՈՀ-ի կողմից նրան շնորհվել է դոցենտի գիտական կոչում «Տնտեսագիտություն» մասնագիտությամբ: Ա.Գ.Հակոբյանը ունի տվյալ բնագավառում հրատարակված գիտական և ուսումնամեթոդական աշխատանքներ, որոնց ընդհանուր թիվը 23 է (1 հետազոտություն («Ամբերդ» հետազոտական կենտրոն), 16 գիտական հոդված՝ հրատարակված ՀՀ գիտական ամսագրերում, որից 1-ը՝ համահեղինակությամբ (այդ թվում 2-ը՝ անգլերենով, 5-ը՝ ռուսերենով), 6 գիտական հոդված՝ տպագրված միջազգային գիտական ամսագրերում):

Աշխատանքային գործունեությունը: Ա.Գ.Հակոբյանը 01.09.2001 - 15.03.2006 աշխատել է «Գլաժոր» կառավարման համալսարանի տնտեսագիտության ամբիոնում որպես լաբորանտ, 15.03.2006 - 08.01.2013՝ տնտեսագիտության ամբիոնի դասախոս, միաժամանակ 2007 թվականի մարտի 1-ին համատեղության կարգով նշանակվել է կրթական բարեփոխումների կենտրոնի պետ, իսկ 01.09.2007 - 08.01.2013՝ համատեղության կարգով ուսումնական մասի պետ: Պրոֆեսոր Սարգսյանը նշեց նաև, որ այդ հատվածի նրա կատարած գործերի և հաջողությունների և՛ ականատեսն է եղել, և՛ անմիջական մասնակիցը: Որպես ուսանող սովորել է գերազանց, ակտիվորեն մասնակցել է ուսանողական միջոցառումներին և պրոֆեսոր Սարգսյանի առաջարկությամբ նշանակվել է «Գլաժոր» կառավարման համալսարանի ուսանողական գիտական ընկերության (ՈՒԳԸ) նախագահ:

2013 թվականի հունվարի 8-ից մինչ օրս Ա.Գ.Հակոբյանը աշխատում է Հայաստանի պետական տնտեսագիտական համասարանում. 08.01.2013 - 15.06.2016՝ արտաքին կապերի բաժնում՝ գլխավոր մասնագետ, 15.09.2016 - 12.05.2019՝ ուսումնական բաժնի պետ, 12.05.2019 - 31.01.2023՝ շարունակական կրթության և վերապատրաստումների բաժնի պետ (2021 թվականի ապրիլի 7-ին շարունակական կրթության և

վերապատրաստումների բաժինը վերանվանվել է շարունակական կրթության բաժին): 2023 թվականի հունվարի 31-ից նշանակվել է ինֆորմատիկայի և վիճակագրության ֆակուլտետի դեկանի ժամանակավոր պաշտոնակատար: Միաժամանակ, 2017 թվականի սեպտեմբերի 1-ից մինչ օրս Ա.Գ.Հակոբյանը համատեղությամբ դասավանդում է մակրոէկոնոմիկայի ամբիոնում:

Ա.Գ.Հակոբյանը 01.09.2010 - 18.04.2019 աշխատել է Գ.Վ.Պլեխանովի անվան Ռուսաստանի տնտեսագիտական համալսարանի Երևանյան մասնաճյուղում որպես դոցենտ: 2013-2019 թթ. որպես արտաքին փորձագետ Ա.Գ.Հակոբյանը «Մասնագիտական կրթության որակի ապահովման ազգային կենտրոն» հիմնադրամում ներգրավված է եղել Հայաստանի Հանրապետության պետական կառավարման ակադեմիայի, Երևանի Վ.Բրյուսովի անվան պետական համալսարանի և Հայաստանի ազգային ազրարային համալսարանի ինստիտուցիոնալ հավատարմագրման գործընթացում:

Ա.Գ.Հակոբյանը ունի մեկ որդի:

Պրոֆեսոր Ա.Հ.Սարգսյանը նշեց, որ Հայաստանի պետական տնտեսագիտական համալսարանի ինֆորմատիկայի և վիճակագրության ֆակուլտետի գիտական խորհրդի 2023 թվականի մարտի 28-ի նիստում (արձանագրություն N 8) քննարկվել է ինֆորմատիկայի և վիճակագրության ֆակուլտետի դեկանի թափուր պաշտոնի համար հայտարարված մրցույթին դիմած հավակնորդ Ա.Գ.Հակոբյանի՝ «Հայաստանի պետական տնտեսագիտական համալսարանի դեկանի ընտրության ընթացակարգի» 13-րդ կետի համաձայն ներկայացրած ֆակուլտետի գործունեության առաջիկա հնգամյակի ծրագրի, հավակնորդի մասնագիտական բնութագրի և դեկանի պաշտոնին հավակնորդի համապատասխանության մասին հարցը: Նիստը նախագահել է ուսումնական աշխատանքների գծով պրոռեկտոր, տնտեսագիտության թեկնածու, դոցենտ Ա.Վ.Գրիգորյանը: Ա.Գ.Հակոբյանը ներկայացրել է ինֆորմատիկայի և վիճակագրության ֆակուլտետի գործունեության առաջիկա հնգամյակի ծրագիրը, դրա հիմնական դրույթները և նպատակը՝ նշելով, որ այն պետք է համահունչ լինի համալսարանի զարգացման տեսլականին: Հավակնորդի վերաբերյալ դրական կարծիքներով ելույթ են ունեցել դոցենտներ Եվ.Ա.Բազինյանը, Ա.Մ.Քթոյանը: Նրանք նշել են, որ դեկանի թափուր պաշտոնի հավակնորդը համապատասխանում է դեկանի պաշտոնին ներկայացվող պահանջներին և առաջարկել են Ա.Գ.Հակոբյանի թեկնածությունը ներկայացնել գիտական խորհրդի փակ գաղտնի քվեարկությանը՝ ինֆորմատիկայի և վիճակագրության ֆակուլտետի դեկանի թափուր պաշտոնի համար հայտարարված մրցույթին մասնակցելու համար: Ելույթներից հետո դեկանի

պաշտոնի հավակնորդի երաշխավորության մասին հարցը դրվել է ֆակուլտետի գիտական խորհրդի նիստի բաց քվեարկությանը: Քվեարկության արդյունքների հիման վրա (կողմ՝ 8, դեմ՝ 0, ձեռնպահ՝ 0: Քվեարկությանը չի մասնակցել Ա.Գ.Հակոբյանը) ինֆորմատիկայի և վիճակագրության ֆակուլտետի գիտական խորհուրդը Ա.Գ.Հակոբյանի մասնագիտական բնութագիրը գնահատել է դրական, որոշել է, որ հավակնորդը համապատասխանում է դեկանի պաշտոնին և երաշխավորել է Ա.Գ.Հակոբյանի թեկնածությունը ներկայացնել համալսարանի գիտական խորհրդի փակ գաղտնի քվեարկությանը՝ ինֆորմատիկայի և վիճակագրության ֆակուլտետի դեկանի թափուր պաշտոնի համար հայտարարված մրցույթին մասնակցելու համար:

Հարցը քննարկվել է նաև գիտական խորհրդին կից մրցութային հանձնաժողովի 2023 թվականի ապրիլի 6-ի, ժամը 14:00-ի նիստում (արձանագրություն N 14): Հավակնորդի վերաբերյալ դրական կարծիքով ելույթ է ունեցել դոցենտ Մ.Վ.Բադալյանը: Նա հատուկ ընդգծել է, որ Ա.Գ.Հակոբյանն իր աշխատանքային ողջ գործունեության ընթացքում ցանկացած նախաձեռնություն ստանձնում է մեծ պատասխանատվությամբ և անպայման հաջողության ակնկալիքով: Ելույթից հետո դեկանի թափուր պաշտոնի հավակնորդի երաշխավորության մասին հարցը դրվել է մրցութային հանձնաժողովի նիստի բաց քվեարկությանը: Քվեարկության արդյունքների հիման վրա (կողմ՝ 8, դեմ՝ 0, ձեռնպահ՝ 0) որոշվել է Հայաստանի պետական տնտեսագիտական համալսարանի ինֆորմատիկայի և վիճակագրության ֆակուլտետի դեկանի ժամանակավոր պաշտոնակատար, տնտեսագիտության թեկնածու, դոցենտ Աղավնի Գրիգորի Հակոբյանի թեկնածությունը ներկայացնել Հայաստանի պետական տնտեսագիտական համալսարանի գիտական խորհրդի փակ գաղտնի քվեարկությանը՝ ինֆորմատիկայի և վիճակագրության ֆակուլտետի դեկանի թափուր պաշտոնի համար հայտարարված մրցույթին մասնակցելու համար: Պրոֆեսոր Ա.Հ.Սարգսյանը գիտական խորհրդի անդամներին հորդորեց հաշվի առնել ֆակուլտետի գիտական խորհրդի և մրցութային հանձնաժողովի նիստերի որոշումները:

Զեկուցողներից հետո Աղավնի Գրիգորի Հակոբյանը ներկայացրեց ինֆորմատիկայի և վիճակագրության ֆակուլտետի գործունեության առաջիկա հնգամյակի ծրագիրը:

ԱՐՏԱՀԱՅՏՎԵՑԻՆ.-


Պրոֆեսոր Դ.Ռ.Գալոյանը, դոցենտ Մ.Վ.Բադալյանը:

Հաշվի առնելով վերոնշյալը՝ գիտական խորհուրդը որոշեց Հայաստանի պետական տնտեսագիտական համալսարանի ինֆորմատիկայի և վիճակագրության ֆակուլտետի դեկանի ժամանակավոր պաշտոնակատար, տնտեսագիտության թեկնածու, դոցենտ Աղավնի Գրիգորի Հակոբյանի թեկնածությունը դնել գիտական խորհրդի փակ գաղտնի քվեարկությանը՝ ինֆորմատիկայի և վիճակագրության ֆակուլտետի դեկանի թափուր պաշտոնի համար հայտարարված մրցույթին մասնակցելու համար (որոշումն ընդունվեց բաց քվեարկությամբ, միաձայն (գիտական խորհրդի 60 անդամից նիստին ներկա էին 50-ը. կողմ՝ 50, դեմ՝ 0, ձեռնպահ՝ 0):

ՈՐՈՇԵՑԻՆ.-


Հիմք ընդունելով «Հայաստանի պետական տնտեսագիտական համալսարան» պետական ոչ առևտրային կազմակերպության գիտական խորհրդի 2017 թվականի մարտի 17-ի նիստում (արձանագրություն N 7) հաստատված «Հայաստանի պետական տնտեսագիտական համալսարանի դեկանի ընտրության ընթացակարգի» 34-րդ կետը, ինֆորմատիկայի և վիճակագրության ֆակուլտետի դեկանի թափուր պաշտոնի ընտրության նպատակով գիտական խորհրդի նիստում ընտրված հաշվիչ հանձնաժողովի նիստի N 2 արձանագրությունը և փակ գաղտնի քվեարկության արդյունքները (կողմ՝ 49, դեմ՝ 1, անվավեր քվեաթերթիկ՝ 0)՝ Հայաստանի պետական տնտեսագիտական համալսարանի ինֆորմատիկայի և վիճակագրության ֆակուլտետի դեկանի թափուր պաշտոնում համարել ընտրված տնտեսագիտության թեկնածու, դոցենտ Աղավնի Գրիգորի Հակոբյանին:

Գիտական խորհրդի նախագահ՝



Դ. Ռ. Գալոյան

Գիտական խորհրդի քարտուղար՝



Ն. Տ. Դարբինյան

2023 թ. ապրիլի 18

Երևան

